

S ó l e y j a r v e l l i r .

Jörð í Skeggjastaðahrepp, næst vestan við Gunnólfsvík, sama um örnefni að segja og Gunnólfsvík, nema hér fór Friðrik á Felli yfir það til, endurbóta, einnig nokkrar upplýsingar frá sr. Sigmar Torfasyni.

Jörð þessi er nú í eyði, þarinn stendur vestanvert við Geysirófu (1), sem nefnd var við Gunnólfsvík og er á merkjum milli bæjanna. Sagt er, að þetta hafi fyrrum heitir Urðarsel (2), en ekki veit eg hvar það stendur. Ef við förum nú inn á merki við sjóinn á merkjum móti Felli, þá heitir þar við sjóinn Urðarmöl (3), og innan við hana heitir Klapparhorn (4). Og ofan við Klapparhornið er Marksteinn (5), var málaður hvítur af skipsmönnum á Diönu fyrir um 60 árum, en nú er það máð af, þarna eru merkin. Upp af Urðarmölinni er Mýri, sem nefnd er Mór (6), þar er mótak, og heldur hærra uppi er Stekkiarhall (7). Nokkuð innan við þetta er svo Geysirófuós (8).

Fellið hér uppaf heitir að fornu Smyrlafell (9), en síðari tími hefur leitt inn nafnið Urðarfell. Næst á fjallinu Smyrlafelli heitir Urðarfellshnjúkur (10) og norðvestur af fellinu heita Þrívörðubrekkur (11), sem liggja þar norðvestur undir Þernuvatn (12). Í því eru hólmar þar verpa endur og aðarflugl. Þarna eru víða nafnlausar urðir, en í þeim eru nefndar Tjarnir (13), þar eru nokkuð margar.

Þar sem fellið skagar lengst austur, er kallað Fjallshorn (14). Þar nærar upp með ánni, Geysirófu heita Hvamar (15). Þar ofar og hærra uppi rétt ofan við Fellsbrúnina, ofan við bæinn, er nefnd Mýri (16). Við hana ofan við bæinn er nefnd Bæjarbrún (17), og þar hærra uppi er Efribrún (18). Innan við bæinn taka svo við Vatnsdalshöll (19) inn með Geysirófu. Ofan við Efribrún heitir svo Helguflói (20), og í honum er Helguflóalækur (21), sem rennur í Geysirófu rétt ofan við bæinn, eða innan. Efst í Helguflóa heitir Helguflóabotn (22). Og neðan við Helguflóabotna eru Mjórsund (23), og upp af Helguflóa í hrúninni heita Geirar (24), og Hólar (25) eru út og niður af Geirunum. Víða í þessum flóum og brekkum eru nafnlausar græfur.

Geysirófa kemur eftir Vatnadal (26), sem höllin fyrrnefnda eru í. Í Vatnadal var byggð 1863-68, hefur þá verið byggt úr Halldórsstaðalandi er síðar getur. En í dalnum er höll, sem nú er nefndur Hlaða (27). Þar reisti bóndinn á Sólleyjarvöllum hlöðu í gömlum rústum. Þar rétt austur af hólnum eru djúpir pyttir, Stampar (28). Þetta er á vinstri hönd á leið til Þórshafnar.

Hér nokkuð hærra er annað eyðibýli, Halldórsstaðir (29)

þar var byggð 1851-55, 1878-89 og 1891-95 þar var [redacted] Bóni prins og Kristín móðir hans síðustu ábúendur ; bærinn stóð í brekku, þar eru tvær grænar rústir. Bærinn dregur nafn af Halldóri Sigurðssyni, sem fyrstur byggði þar . Út af Halldórsstöðum eru tveir stórir steinar, Klofasteinar (30). Út frá bænum heita Halldórsstaðahöll (31), og upp af þeim heita Halldórsstaðabrúnir (32) .Niður brekkurnar renna Halldórsstaðalækir (33), renna um túnið milli tóftanna og í Geysirófu.

Upp af Halldórsstaðabrúnum er Stóriflói (34), og þar enn [redacted] herra er Þverhæð (35). Þá eru Þrívörður (36) og Hestlækur (37), sem rennur í Gunnlaugsárbotna. Þetta er vestan við nýja veginn. Hér heitir í dalnum Djúpagróf (38). Einbúabunga (39) er utan við Djúpugróf. Þar er Einbúi (40), [redacted] og utan við Bunguna er Vatnsdalurinn, sem fyrr er getið.

#### Stafrófsskrá yfir Sóleyjarvallaörnefni:

Bæjarbrún	17	Smyrlafell	9
Djúpagróf	38	Stampar	28
Efribrún	18	Stekkjárhöll	7
Einbúabunga	39	Stóriflói	34
Einbúi	40	Tjarnir	13
Fjallshorn	14	Urðarfellshnúkur	10
Geirar	24	Urðarmöl	3
Geysirófa	1	Urðarsel	2
Geysirófuós	8	Vatnadalur	26
Halldórsstaðabrúnir	32	Vatnadalshöll	19
Halldórsstaðahöll	31	Þernuvatn	12
Halldórsstaðalækir	33	Þrívörðubrekka	11
Halldórsstaðir	29	Þrívörður	36
Helguflóabotn	22	Þverhæð	35
Helguflóalækur	21		
Helguflói	20		
Hestlækur	37		
Hlaða	27		
Hvamar	15		
Klapparhorn	4		
Klofasteinar	30		
Marksteinn	5		
Mjósund	23		
Mór	6		
Mýri	16		

## ÖRNEFNASTOFNUN

Norður-Múlasýsla

Skeggjastaðahreppur

Sóleyjarvellir

Gott væri að fá svör við eftirfarandi spurningum, ef hægt væri:

- 1) Er nokkuð vitað, hvar Urðarsel stóð?
- 2) Er vitað, hvernig stendur á nafninu Þernuvatn?
- 3) Er vitað um tilefni nafnsins Helguflói og Helgu þá, sem hann er við kenndur?
- 4) Koma fram í skránni öll örnefni, sem þekkt eru í landareigninni?
- 5) Eru lýsingar örnefnanna nægilega ýtarlegar?